

KONKURS

Biotehnički fakultet Univerziteta u Bihaću u suradnji sa Pedagoškim zavodom USK-a i Vodovodnim preduzećima sa USK-a raspisuje KONKURS za odabir najboljih radova na temu obilježavanja Svjetskog dana voda „*Leaving no one behind*“ (“*Niko ne smije biti izostavljen*”), a u skladu sa Programskim prioritetima.

Pozivamo studente i učenike osnovnih i srednjih škola sa područja USK-a da se prijave na Konkurs za odabir najboljih radova.

Konkurs se odnosi na tri kategorije:

1. Najbolji studentski rad
2. Najbolji učenički rad (srednja škola)
3. Najbolji učenički rad (osnovna škola)

Programski prioriteti za prijavu radova su:

- vodni resursi,
- proizvodnja i čišćenje voda,
- kvalitet i analiza voda,
- kontrola i osiguranje kvaliteta voda,
- upravljanje vodama i
- zaštita od voda.

Rad koji se prijavljuje za Nagradu treba se tematski baviti problematikom voda, pokazati adekvatno znanje o sadržajima vezanim uz temu, odgovarajuću metodologiju i poznavanje stručne literature.

Rad treba da bude napisan pismom Times New Roman, font slova 12, na maksimalno 6 stranica, te da sadrži naslov, autore, instituciju iz koje dolaze, kao i sažetak i ključne riječi. Poželjno je da rad sadrži fotografije, uz obavezno stavljanje zajedničke fotografije učesnika na radu i mentora.

Radovi se rade pod mentorstvom nastavnika (osnovne škole), za učenike srednjih škola i studente pod mentorstvom profesora srednjih škola u saradnji sa nastavnicima i saradnicima Biotehničkog fakulteta Univerziteta u Bihaću, koji ne sudjeluju u ocjenjivanju radova.

Svi radovi koji budu napisani u skladu sa uputama o pisanju radova i dobiju pozitivno mišljenje mentora, bit će recenzirani, a nakon toga štampani u Zborniku učeničkih i studentskih radova.

Kriteriji za odabir najboljih radova su:

1. Usaglašenost teme sa jednom od ponuđenih i odabranih oblasti - maksimalno 5 bodova;
2. Usaglašenost naslova rada sa sadržajem (odgovarajuća formulacija problema) – maksimalno 5 bodova;
3. Aktuelnost i relevantnost teme - maksimalno 5 bodova;
4. Originalnost rada (kreativnost, inovativnost, kompleksnost) - maksimalno 5 bodova;
5. Dopinos rada očuvanju voda i općenito doprinos zaštiti okoliša - maksimalno 5 bodova;
6. Relevantnost i obim korištene domaće i inostrane literature - maksimalno 5 bodova;
7. Eksperimentalni rad i korištenje relevantnih standardnih metoda rada - maksimalno 5 bodova;
8. Poznavanje materije koja se obrađuje u radu - maksimalno 5 bodova.

Prijava radova za osnovne škole se može izvršiti na mail adresu elvira.felic@vodovod-bihac.ba, a za srednje škole i fakultete na mail adresu svjetskidanvoda@hotmail.com najkasnije do 15.02.2019.godine.

Cijele radove dostaviti na navedene mail adrese najkasnije do 05.03.2019. godine. Radovi poslani nakon navedenog roka neće se uzeti u razmatranje.

Svi radovi će biti prezentirani putem poster prezentacije na dan obilježavanja Svjetskog dana voda, 22.03.2018. godine u Bihaću u hotelu Emporium.

Prilog:

- Prijavni obrazac
- Prvo obavještenje
- Upute za izradu postera

**Tim za obilježavanje
Svjetskog dana voda**